

DISPUTATIO MEDICA  
INAUGURALIS  
*De*  
FEBRI ARDENTE,  
IN INDIVIDUO,

*Quam,*

Annunte Numine Triuno,  
*Ex Authoritate Magnifici D. Rectoris,* 2  
DN. ARNOLDI SCHÖNE, J. U. D.  
Ejusdemque Facultatis in Illustri Ducatus Gelriæ  
& Comitatus Zutphanix Academiâ, (quæ  
est HARDERVICI) Professo-  
ris Primarii,

NEC NON

*Amplissimi Senatus Academici consensu, & Celeberrime  
Facultatis Medica decreto,*

Pro gradu Doctoratus, summisque in arte Medicâ honori-  
bus & privilegiis ritè consequendis,

*Defendendam suscipit*

CORNELIUS GROENVELT, Hornâ-West-Frisius.

*Ad diem 19. Novembris. Loco horisque solitis.*

MED. CHIR. SOC.  
ABERDEEN.



HARDERVICI,  
Apud PAULUM VANDEN HOUTE,  
Anno M. DC. LXVI.



OMNIBUS ET  
SINGULIS VERI-  
TATIS INDAGATO-  
RIBUS

*Disputationem hanc inauguralem*

Sacram facit

CORNELIUS GROENVELT,

*Auth. & Respondens.*





DISPUTATIO MEDICA  
INAUGURALIS  
De  
FEBRI ARDENTE.

Historia morbi.



*Ir juvenis XXVIII. annorum, temperamenti biliosi, cum, mensibus æstivis, aliquoties se vino generoso adobruiſſet, & paulò poſt, prout ad rixas & jurgia propendebat, irâ vehementius incensus eſſet, incidit mox in affectum, quo totum corpus intensiſſimè idque continenter ac ſine ullo caloris vel lenimento vel interſtitio incaleſcebat. Sitis aderat inexpugnabilis, vigiliæ ſupra modum urgebant, color erat facièi ſqualidus, urina rubra craſſa, cum magnâ virium dejectione & contumaci narium hæmorrhagiâ. Quæritur quis ſit affectus, quæ partes affectæ, quæ cauſæ, quæ ſpes curationis, quæ Curatio?*



## T H E S I S I.



Orbus, quo hic æger affligitur, est *Synochus putrida biliosa*, quæ hic, ob duo evidentissima signa pathognomonica, calorem sc. urentem & sitim inextinguibilem, *causus sive febris ardens* appellanda, & definienda *Febris putrida continua sine ulla remissione à principio ad finem usque affligens* (quo distinguitur à tertianâ continuâ, cui eadem quoque symptomata accidunt) *cum intensissimo calore, sitique inexplebili, à biliosâ sanguinis parte inflammata sive accensa potissimum dependens.*

### II.

Afficiuntur in hoc ægro primariò *cor & sanguis*, secundariò *reliquum corpus*, ut patet ex intensissimo & continuo calore, hæmorrhagiâ & virium dejectione; *ventriculus & œsophagus*; uti constat ex siti inexplebili; *cerebrum & spiritus animales*; quod docent vigilæ supra modum urgentes; item *facies*, uti innuit color ejus squalidus.

### III.

*Causæ remotæ naturales sunt ætas juvenilis & temperies biliosa*; non naturales *tempus æstivum & immoderatus vini generosi usus*; præternaturalis minus remota hinc orta *sanguinis diathesis retorrida & acris*, bilisque calidioris in corpore; collecta copia, antecedentis causæ rationem habens; quæ deinde à *Causâ procatactica, irâ vehementi*, in actum deducta, & in motum

tum ebullitionis sive effervescentiam immodicam & præternaturalem concitata, *Causa continentis* vicem gerit, atque omnia symptomata in casu enarrata producit.

#### IV.

Etenim *sanguis*, ratione ætatis & temperamenti, *calidior & acrior* existens, ex immodicâ & aliquoties repetitâ vini generosioris potatione, facile contraxit *dispositionem calidiorem & acriorem*, quâ bile acriori & sulphure concremabili plus nimio saturatus facillimè in motus inordinatos & enormem effervescentiam *vel sponte sua* erumpere, vel *accedente levi occasione* adigi poterat. Ad quam constitutionem contrahendam non parum contulit aër æstivus calidior, *quatenus sanguinem* tum in habitu corporis, tum à dextro cordis ventriculo venientem in pulmonibus *minus justo condensavit & refrigeravit*, adeoque majori & vehementiori fermentationi, in sinistro cordis thalamo peragenda, opportunum reliquit.

#### V.

*Sanguis* hoc ritu dispositus à vehementiori irâ agitat<sup>us</sup> facile cursum præternaturalis effervescentiæ inchoare potuit, ac dein pari & æquabili intensione absolvere. Nam per iram *sanguis biliosus*, circa hepar copiosè in hoc ægro redundans, *majori impetu & copiâ*, præ cæterarum partium sanguine, cum cruore in venâ cavâ existente mixtus, & ad cor *propulsus est*. Quare hæc mixtura inibi *vehementius* se dilatavit ac ebulliit *inordinatius*; unde *compage* sanguinis nonnihil *reclusâ*,

*laxatâque mixtione*, particulæ sulphureæ plus solito fuere *dissoluta*, à cæterarum particularum consortio *liberata*, *exaltata*, & *incensa* ab igne cordis vitali. Hinc proximè secuta fuit *fermenti cordis inflammatio & dyscrasia*, quæ, quò majori copiâ & diuturniori successione hic sanguis biliosus, ab hepate veniens, ad cor delatus est, tantò etiam major & vehementior evasit. Fermentatum enim naturam redolet fermenti.

## VI.

*Quia* verò cordis ventriculi, in sanguinis expulsione in arterias, tam arctè constringi nequeunt, quin aliquid semper sanguinis rarefacti in iis residuum maneat, quod respectu sanguinis recens illapsuri & rarefaciendi naturam fermenti habet, facilè intelligimus, quâ ratione *sanguis semel* in effervescentiam inordinatam ab irâ *precipitatus*, deindè sedatâ quoque irâ, eam porò *instituerè* pergat, adeoque febrim continuam inducat; atque etiam quâ ratione illius *mixtio naturalis*. secundùm minima principia constitutiva, magis magisque *solvatur*, & particulæ in tali *ordine ac situ* constituantur, qui versus *corruptionem* tendit. In quo uno sanguinis, ut mistum considerati, putredo consistit, saltem in vasis.

## VII.

Quæ hætenus diximus, sanguinis *in corde* effervescentiam præternaturalem concernunt; sequitur jam ejusdem distributio & inordinatus *motus per vasa* & partes corporis. Sanguis ergo intensissimè excalfactus & vehementissimè dilatatus, *citato impetu* ex corde *trahitur*



*jicitur in arterias, motuque rapidissimo per vasa circula-  
tur; quo fit, ut nullibi nisi parcissimam moram tra-  
hens, ab aëre, ob tempus æstivum, calidiore, tum  
in habitu corporis, tum in pulmonibus; parum refri-  
geretur, adeoque uberrima caloris effluvia, ad instar  
ollæ super igne bullientis, undequaque de se emittat, &  
sic totum corpus intensissimo calore suffundat.*

### VIII.

*Eâdem operâ, & quatenus particulæ sanguinis ab in-  
vicem, & præcipuè quidem biliosæ atque sulphuræ à  
reliquis, ob vinculum mixtionis magnâ ex parte inter-  
ruptum, secessionem faciunt, multos vapores calidos  
& sulphureos, adeoque plurimum exiccantes in ventri-  
culum, œsophagum & os extrudit, & sic sitim inex-  
plebilem inducit.*

### IX.

*His exhalationibus analogæ multæ quoque cum spi-  
ritibus vitalibus, præter modum in corde concalsa-  
ctis, continuò ad cerebrum ascendunt, quæ deindè,  
per poros arteriarum, in cerebri substantiam & ventri-  
culos exhalantes spirituum animalium in eo motum  
adaugent, & cerebrum vehementer inflant expandunt-  
que, unde vigilæ ægro nostro supra modum molestæ  
sunt.*

### X.

*Quatenus verò, particulis aquosis & fervorem san-  
guinis attemperantibus per respirationem & poros cutis  
dissipatis, sanguis in vasis exiccatur, adurit & torre-  
fit,*

*fit, color faciei squalidus existit, quia hac in parte cruoris color, ob cutis teneritudinem vasorumque repletionem (ex sanguinis nimirum copioso ad caput affluxu, quem in hoc ægro arguere videntur vigilæ & contumax hæmorrhagia) magis est conspicuus.*

## XI.

Ob eandem uberiores partium *sulphurearum* nec non *salinarum* dissolutionem, urina existit crassa & rubicunda, quatenus hæc corpuscula sero involuta in renibus secernuntur, & per vias urinarias foras eliminantur: Quanquam non nego etiam accedere quasdam particulas *crassiores & magis terrestres*.

## XII.

Tandem ex *tumultuoso illo* & inordinato sanguinis per vasa *motu sequitur* pertinax illa *hæmorrhagia*, dum ille valido impetu protrusus *oscula arteriarum* circa nares aperit, & magnâ in copiâ symptomaticâs foras exilit. Unde proximè sequitur magna illa virium prostratio.

## XIII.

*Affectus* hic admodum *periculosus* existit; I. ob magnum recessum à statu naturali. II. ob vehementiam causæ. III. ob urgentissima symptomata, quæ mortem accersere citissimè poterunt. Quia tamen æger noster *juvenis* est, adeoque morbus ipsius temperamento & ætati conveniens, & præterea *urina crassa* est (quod signum aliquomodo esse videtur, œconomiam



conomiam corpoream non omnino perverti, nec metastasin fieri humorum ad partes nobiliores) spes *non-dum omnis* concidit, ideoque cum periculi præmonitione, curationem *citissimè* aggrediendam censemus.

#### XIV.

*Curationem* quod attinet, fieri illa debet secundum has *indicationes*. Causæ remotæ amovendæ; intemperies sanguinis calida & acris refrigeranda & temperanda; ebullitio sanguinis præternaturalis sistenda, vel si id fieri non potest, saltem frænanda & in ordinem redigenda; vires refocillandæ; sed *ante omnia* urgentibus symptomatibus, & præcipuè hæmorrhagiæ, unde maximum vitæ periculum imminet, prospiciendum.

#### XV.

Primò igitur omni studio sanguinis è naribus effluxus compescendus & sufflaminandus. Vena in brachio secanda ad sanguinis à capite averfionem, ejusdemque fervorem imminuendum, quâ ratione simul febris oppugnatur. *Diligenter* tamen ante venæsectionem prudenti medico erit *pensitandum, utrum* ægri vires, ex copiosa sanguinis evacuatione multùm jam dejectæ, tam præsentis quam futuræ, *phlebotomia adhuc locum præbeant*. Aliàs à venæsectione erit abstinendum, & cucurbitulæ scapulis aut dorso applicandæ, præterea ligaturæ stringentes brachiis & cruribus injiciendæ. Epithemata actu & potentia frigida, collo & testibus adhibenda. Acetum rosaceum auribus infundendum. Interius assumenda, quæ sanguinem re-

B frigerandi,

frigerandi, ejusque motum concitatio-  
rem compescendi vim habent. ut ex. gr.

℞. aq. plantaginis ℥vj.

Salis prunell. ℥℔.

Misce pro 3. dosibus.

vel ℞. aq. plantagin.

portulac. an. ℥j℔.

alexipharmac. ℥℔.

confect. hyacinthor. ℥℔.

sanguin. dracon.

lapid. hæmatit. an. gr. xv.

julap. rosac. ℥j.

laudan. opiat. gr. ii.

spiritus vitriol. gutt. vi.

Ms. Bibat cochleatim.

Quæ simul etiam contra febrem, vigilias, sitim & vi-  
rium dejectionem valebunt, quatenus sanguinem re-  
frigerant, condensant & figunt, viresque corroborant.  
Utile quoque erit, nostro quidem judicio, herbas a-  
stringentes cum aceto contusas carpis & temporibus  
adhibere, quia illæ, cum hæc sanguinis profusio ab ejus  
turgescentiâ & irregulari fermentatione ortum habeat,  
prodesse possunt, quatenus præcipitandi quâdam vi  
cruoris enormem ebullitionem supprimunt. Quæ o-  
mnia si non juvent, poterit naribus stillantibus admo-  
veri ferrum candens & ignitum, ut fluxus à vapore  
sanguinis torrefacti, in nares suscepto, sistatur. Quod  
tamen remedium si quispiam ante alia quoque usurpa-  
tum velit, non multum reluctabor, cum omnis ferè  
noxa, quam sic infligere potest, in eo consistere vi-  
deatur, quod sanguis eodem impetu à corde propulsus  
ad alias forte partes nobiliores prorueret easque lædere  
queat,

28  
queat, quod tamen periculum minus est quam ipsius hæmorrhagiæ, & haud difficulter averti potest.

## XVI.

Hæmorrhagiâ sic sedatâ & sufflaminatâ interdum contingere potest, ut æger à feбри evadat immunis. Quod tamen in nostro ægro, ob præfervidam & acrem sanguinis diathesin, vix videtur sperandum. Proxima ergo cura erit, ut sanguinis immodica effervescencia, quantum fieri licet, inhibeatur. Ad quod multum conducere venæsectio; sed *quia ægri vires*, propter largam sanguinis evacuationem, valde sunt *debilitatæ*, vix sperari potest, eum phlebotomiæ ulterius fore parem. Quare consultius erit, ut primis viis enemate prius expurgatis, ipsi lene quoddam catharticum exhibeatur, quo, *quia adhuc in principio morbi versamur*, futuræ vehementiori ebullitioni detrahatur pabulum.

Ex. gr. ℞. rhei electi ℥ij.

fol. sen. mundator. ℥j.

Cremon. tartar. ℥ij,

infund. calidè per noctem

in aq. portulac. ℥iv.

in colaturâ mane fortiter expressâ

dissolve syr. ros. solut. ℥ss.

sal. prunell. ℥ss.

Spiritus vitriol. gutt. v.

M. F. Haustus.

Vomitoria, ob ægri proclivitatem in hæmorrhagiam, utilia non censeo.



## XVII.

Si his non obstantibus incendium latius serpat, & *ad augmentum vergat morbus*, procurandum erit, ut insensibilis transpiratio libere procedat, & si *vigilie æque urgeant*, viresque permittant, vena iterum fecanda, enemata injicienda, sed à catharticis & diaphoreticis calidis *sedulò cavendum*. Concocta enim evacuari oportet, non cruda. Pergendum in usu eorum, quæ refrigerandi, attemperandi, sanguinem & spiritus frigendi & constipandi, spiritusque refocillandi vim habent, qualia sunt Julapia, decocta, succi acetosi, pulveres varii vegetabilium & mineralium. ex. gr.

℞. aq. acetos.

rosarum,

boraginis an. ℥iv.

prophylac. ℥i℥.

Syr. de portulac.

limonum an. ℥j.

Sal. prunell. ℥ij.

ol. Sulphuris per campam elicitæ q. s.  
ad gratum acorem.

M. F. Julep.

vel ℞. aq. boraginis,

carduibened. an. ℥ij℥.

prophylact. ℥j.

Julap. rosac. ℥i℥. Confect. hyacinth. ℥j.

Syr. è Succo citr. ℥℥.

Spiritus vitrioli rectificat. q. s.  
ad gratam aciditatem.

F. Mixtura, quam sumat  
cochleatim.

vel

vel ℞. sal. prunell. gr. xv. Corallor. rubror. ℥ss.  
tartar. vitriolat. gr. vii.  
oculor. cancr. præpt. gr. xii.  
Cornu cervi præpt. ℥ss.  
sacchar. perlat. ℥ij.  
M. F. Pulvis.

*Vigiliis quoque sedulò occurrendum est. Ad quam intentionem inter cætera valde utile hic censeo Laudanum opiatum, quia debitè præparatum & prudenter exhibitum non tantum somnum conciliat, sed &, figendo & suffocando spiritus, febris vehementiam retundit.*

### XVIII.

Si ad *statum* accedat febris, diligenter attendendum, an natura *crisin* sit factura. Venæsectio & omnis fortis purgatio procul habendæ. Et, si crisis speretur futura, naturæ *satis valide* operanti totum negotium erit committendum, *segnior* ejus tardiorque *motus adjuvandus* medicamento diaphoretico temperato vel leni cathartico, pro ratione viæ, per quam crisis futura videatur. Quod si omnia adhuc *cruda* & perturbata sint, nullaue aut paucissima coctionis signa in urina appareant, *coctio* materiæ morbificæ ejusque à bono sanguine *secretio* erit *expectanda*. Interim cardiacis temperatis vires corroborandæ, sanguinis immoderata effervescencia imminuenda, &, uti antè diximus, in ordinem redigenda, obstacula & impedimenta removenda, adeoque alvus crebro enematum usu subducenda.

## XIX.

In *Declinatione*, si crisis *bona & perfecta* præcesserit, conveniens victus ratio *tantum* præscribenda. Abstineat æger à carnibus & cibis solidioribus, ob sanguinis & fermentorum debilitatem, donec urina sanorum fuerit similis, & tum demum paulatim eorum usui assuescat. Si autem *suspicio* sit, reliquias materiæ morbificæ in corpore remansisse, leni cathartico educantur. Post crisin *imperfectam* attentè consideret Medicus, an vires prævaleant morbo, nec ne; ne *intempestivè* remedia adhibendo, seipsum infamiae exponat. Signa autem coctionis quædam si appareant, viresque constent satis, reliquiae leniter per epicrasin expurgandæ. Interim symptomatis, si quæ urgeant, convenienti modo obviam eundum, & vires confortandæ cum cardiacis, tum etiam debitâ victus ratione.

## XX.

*Dietam* quod attinet, *Aër* sit frigidus & humidus, qui, cum ob tempus æstivum, vix inveniri possit, arte procuretur. Cubiculum, in quo æger decumbit, instruaturs herbis frigidis & humidis, aquâ frigidâ conspersis tum suspensis, tum pavimento instratis, quales sunt ex. gr. violaria, lactuca, folia salicis, nymphææ. *Cibus* sit valde tenuis, liquidus ac refrigerans, ut pti-sana, juscula Gallinarum vel Carnis vervecinæ cum hordeo mundato, pomo citri, ribesiis rubris, endiviâ, acetosâ, portulacâ, lactucâ & similibus parata. *Potus* sit copiosus, ut calor cordis temperetur, & sanguis diluatur, ex cerevisiâ valde tenui, spiritu sulphuris vel vitrioli parum alteratâ, aquâ hordei, acetosæ &c. in quibus



quibus sal prunellæ dissolvi potest, ad sitim magis refrænandam, vel ex julapio Alexandrino, tincturâ Rosarum Riverii &c. *Somnus* omni studio promoveatur. *Æger* ab omni exercitio *quiescat*. Vitentur vehementiores animi *perturbationes*, & præcipue *ira*.

---

## C O R O L L A R I A.

### I.

**E**ssentia febris non consistit in calore aucto, neque, ut Galenus loquitur, in nativâ caliditate in igneam conversâ.

### II.

*Etenim calidum nostrum nativum revera ignis quidam est.*

### III.

*Et dicitur ejus calor natus sive innatus, quia sanguini, dum fit, innascitur.*

### IV.

*Adeoque semper est in fieri, nec unquam ut subsistens spectari debet.*

### V.

*Non datur, nec dari potest universale alexipyreticon.*

### VI.

*Neque adversus quartanam aliquod reperiri potest, quod non sæpe fallat.*

### VII. Con-

## VII.

*Concoctio cibi in ventriculo fit partim spontaneâ particularum heterogenearum in se invicem actione, partim adjuvamento fermenti salivæ, sed potissimum ope liquoris fermentacei à sanguine arterioso in ventriculum secreti. Calor vero actualis alimentorum, ventriculi & vicinarum partium, causæ tantum adjuvantis rationem habet.*

## VIII.

*Hic liquor fermentaceus non est simpliciter acidus, aut salsus, aut oleosus; sed spiritibus animalibus analogus, & ex diversis partibus compositus.*

## IX.

*Istarum autem partium infinita potest esse varietas, tum ratione figurae, & magnitudinis minimorum corpusculorum, tum ratione mixtionis & proportionis eorundem inter se.*

## X.

*Idque obtinet tam in statu sanitatis, ex quo intelligimus, cur alii alia alimenta feliciter subigant, & cur quidam certis cibis offendantur, quam in statu morbofo.*

## XI.

*Hinc constat, quam parum juverit ægrum, in læsa ventriculi concoctione, Medicum tantum ad celebres istas intemperies calidam, frigidam &c. attendisse.*

## FINIS.